

DATANGMUZHI
SHUFA JINGXUAN

大唐墓志书法精选

◎何炳武 主编

中国出版集团

世界图书出版公司

韦承庆
执失善光
墓志

◎陕西省古籍整理办公室
陕西省社会科学学院
编

大唐墓志书法精选

◎何炳武 主编

陕西省古籍整理办公室
陕西省社会科学学院 编

韦承庆
执失善光
墓志

世界图书出版公司
西安 北京 上海 广州

图书在版编目(CIP)数据

大唐墓志书法精选. 韦承庆、执失善光墓志/何炳武主编. —西安: 世界图书出版西安有限公司, 2011.8

ISBN 978-7-5100-3675-0

I. ①大… II. ①何… III. ①汉字—碑贴—中国—唐代
IV. ①J292.24

中国版本图书馆CIP数据核字 (2011) 第134688号

《大唐墓志书法精选》编委会

主 任 杨尚勤

编 委 杨尚勤 洪援朝 石 英 刘卫民
何炳武 吴敏霞 牛泾民

《大唐墓志书法精选》编辑部

主 编 何炳武

编 辑 何炳武 吴敏霞 牛泾民 朱淑玲

韦承庆 执失善光墓志

主 编 何炳武
责任编辑 焦毓本
视觉设计 诗风文化

出版发行 世界图书出版西安有限公司
地 址 西安市北大街85号
邮 编 710003
电 话 029-87214941 87233647(市场营销部)
029-87232980(总编室)
传 真 029-87279675
经 销 全国各地新华书店、外文书店
印 刷 西安市建明工贸有限责任公司
开 本 850×1168 1/16
印 张 7.25

版 次 2011年8月第1版 2011年8月第1次印刷
书 号 ISBN 978-7-5100-3675-0
定 价 28.00元

☆ 如有印装错误, 请寄回本公司更换 ☆

目录 MULU

韦承庆墓志

韦承庆墓志简介	5
韦承庆墓志释文	5
韦承庆墓志正文	9

执失善光墓志

执失善光墓志简介	77
执失善光墓志释文	77
执失善光墓志正文	79

大唐墓志书法精选

韦承庆墓志

[illegible]

韦承庆墓志简介

唐神龙二年（706）十二月二十四日葬。陕西西安市出土，石现藏西安市文物保护考古所，陕西省古籍整理办公室藏拓。志、盖均呈正方形，志、盖边长均94厘米。志四刹饰以缠枝花纹，盖四刹饰以青龙、白虎、朱雀、玄武图案。盖文5行，满行5字，篆书“大唐故银青光禄大夫行黄门侍郎赠礼部尚书韦府君墓志铭”；志文47行，满行47字，楷书。岑羲撰序，郑悖制铭。志主韦承庆，京兆杜陵（今陕西西安市长安区杜陵）人，字延修，以属文迅捷著称，武周时历官凤阁舍人、凤阁侍郎、同凤阁鸾台平章事。两《唐书》有传，此志记述其世系、生平、事迹、职官、封赐等，均较正史详备，可补其阙。撰序者岑羲，时官秘书少监兼修国史、刑部侍郎。制铭者郑悖，时官中书舍人。该碑字体方整干练，其用笔精到，一点一画俱见功夫。方圆兼用，险峻得势，藏露互见，含蓄沉稳，结体精密，穿插和谐，中宫紧收，章法疏朗，行列齐整而见变化，既有北碑之方劲，又有汉隶之圆融，更有隋楷之方圆渗透，法兼南北，仪态万方，丰瘦得当，工整险绝，气度不凡，堪称唐初欧体楷书之佳品。

韦承庆墓志释文

秘书少监兼修国史兼判刑部侍郎上柱国朝阳县开国子岑羲撰中书舍人郑悖制铭大唐故黄门侍郎兼修国史赠礼部尚书上柱国扶阳县开国子韦府君墓志铭并序

夫天降贤才，必偶昭明之后；俗登仁寿，式资恭懿之臣。观稷契之升朝，则知惟尧之德；鉴闳散之膺辅，允叶隆周之祚。其有德冠前烈，道光终古。发挥词诰，润色于皇猷；模楷彝伦，范围于士则。则我韦府君见之矣。公讳承庆，字延休，京兆杜陵人也。自高阳启胄，宏才冠于一时；大彭开绪，茂绩光于九伯。虽时更质文，代有升降。黼衣朱紱，随五运而克昌；累相通侯，袭千龄而不坠。曾祖瑗，周冬官司金上士，隋阳武郡令。才实兼人，位不充量。祖德伦，皇朝瀛州任丘县令。高尚卅余年，道在礼义，贵非轩冕。父约，皇朝尚书左丞、御史大夫、右御史大夫同凤阁鸾台三品纳言、博昌县开国男，赠使持节幽州都督。忠谏命代，风范冠时。至公存乎庙堂，懿业昭于简册。公承家崇轨，稟天淑灵。生而含章，自兼于黼藻；弱而通理，潜曜于珪璜。天经地义之方，道贯心极；体二邻几之粹，冥符性道。弘量足以轨物，雅范可以

敦风。动合名教，言成训典。柔嘉外宣，而不为浮荣之饒；辉光内映，而不运皦察之明。行必先人，事则后物。是以德不标峻，仰之者山高；道不求通，挹之而海富。加以以採摭坟史，纲罗词艺。研精义窟，与荀孟而连衡；高步翰林，共扬班而方驾。年甫廿有三，太学进士对策高第。邓林一枝，方膺大厦之构；昆山片玉，郁为连城之宝。自是价重天下，声高海内。廿四，随牒授雍王府参军，累迁王府功曹参军，睢园之游，莫匪于邹马；燕馆之侣，争先于枚穆。公纵横辩议，雍容文雅。载光曳裾之选，久陪飞盖之游。属朱邸升储，黄离应象。妙求端士，高步春闱。拜太子通事舍人，累迁太子文学司议郎。公道在忠义，言必古昔。怀奉上之诚，有犯无隐；励为臣之节，尽规补过。进谏善箴，副后嘉尚，厚赉缙帛。寻而戾园衅起，新城祸作。虽松竹之操，无改于岁寒；而瑾瑜之质，自混于炎燎。凡在旧僚，咸从贬黜。乃随例授湖州乌程县令。政革浮僇，化归淳简。导之以德，则俗不忍欺；齐之以刑，则人弗敢犯。犹是勾吴变克让之节，震泽被知耻之风。虽公然之莅太原，深恩利物；子康之临单父，至爱留人，曷足云也。未几，巡察使以茂政尤异上闻，敕除魏州顿丘县令。公操履端洁，心存博爱。贞亮以固其中，仁明以临其下。虽冀方楚塞，土有中外之殊；而张风设法，政无优劣之异。寻加朝散大夫，迁太府寺丞，转礼部员外郎。居卿丞之地，列推贤；升礼闈之曹，一台称妙。丁纳言府君忧而去职。鲁高柴之淳至，泣血三年；孟献子之居丧，加人一等。于是躬运坟土，手植松柏。庐侧枯柱，枝叶再生。非孝通神明，诚感天地，不然卉木曷以臻兹。服阕，除凤阁舍人、内供奉、兼掌天官选事。自体国分官，以为人极；开物成务，式代天工。庶政攸归，丝纶之寄为重；九流是总，衡石之地尤先。公入掌王言，语晋与长舆比德；出参铨管，在魏与平叔齐声。非夫重望，孰谐金属。公履正逾贞，持平不挠。虽惟允枢揆，而有误权豪。寻出为沂州刺史。则天皇帝提衡宅海，盱眙经邦。悬日月以昭临，式明非罪；张寰区而作义，必在惟贤。特降恩敕，追还正除中书舍人。寻丁继亲忧去职。公生尽其养，孝德攸闻；没致其哀，孺慕过礼。恩旨权夺，复居旧任。公冠冕词宗，弥纶学府。虽便繁百奏，吐洪河而不竭；密勿繁机，洞灵台而毕综。由是上简宸听，骤回星纪。寻以疾罢，改授太子左谕德，迁使持节豫州诸军事，又迁虢州刺史。公正以持身，德以被物。仁声与和风共远，惠化比时雨俱润。遗爱所及，荆河结于去思；茂政必闻，虞虢歌其来晚。奏课连最，绩用居多。寻迁太仆少卿、天官侍郎，又授凤阁侍郎兼知政事。公望乃时宗，才称王佐。拔奇取异，跨蹶于山卢；献可替否，仪形于旦奭。自再司流品，三入承明。尝与季弟互登其职，一时归美，四海荣之。而行高于人，遂貽诬毁。忽以非罪殒于循州。天鉴孔明，载从昭雪，制除辰州刺史。未拜，转秘书少监，兼修国史，并判礼部侍郎事，修则天圣后实录。成，有制赐爵扶阳县开国子，食邑四百户，赐物五百段，兼降玺书。又特奉敕撰则天圣后纪圣文。成，授银青光禄大夫，兼赐紫服。公穷通一指，宠辱不惊。处泰弥守于清贞，居屯不渝于志节。黄金可铄，

暂铄垂天之羽；白珪无玷，复腾籥云之迹。是以升延阁以步礼闈，朝称善赏；苴白茅而拖紫绂，时谓得贤。非夫词赡班马，器周管晏，孰能被服恩荣，周旋禁闕若斯之盛者矣。寻除黄门侍郎。方当补袞揆路，陪告成之礼；锵玉宸枢，翼和平之化。而辅仁愆报，摧梁云及。邦人殒涕，若子产之云亡；名辈兴嗟，均叔宝之长逝。粤以神龙二年十一月十九日，寝疾薨于京师万年县大宁里第，春秋六十有七。中官德侔厚载，仁深敦叙。言念宗子，有怀伤悼。特降令旨，遣中使临枢慰问，赐绢百疋，锡黼衣一袭、锦衾一张。皇上缅怀近臣，载加追远，特降恩制，赠礼部尚书，赙米粟布帛，丧事所须，并令官给，咸率礼而加隆焉。粤以其年十二月廿四日，迁葬于雍州万年县义丰乡铜人原，礼也。公行归忠厚，志尚冲和。含礼让以为心，践仁恕而成德。若乃事亲竭力，亲戚称其孝也；忧国忘身，搢绅称其忠也。敦睦兄弟，闺庭称其义也；敬爱朋执，乡党称其仁也。《诗》云：思皇多士，生此王国。王国克生，惟周之祜。公可谓当之矣。嗣子晋等，夙延庭诰，克嗣家声。践霜露以增绝，攀风枝而永慕。思述鸿徽，用旌不朽。窃循固陋，累沐清猷。官联叨国士之知，亲好忝恩腴之末。无愧之色，虽均于有道；勒铭之丽，多谢于中郎。中书舍人郑愔，口簧学圃，藻绘词场。古之曹刘，当代迁固。式图懿业，庶光泉壤。其铭曰：

昭昭祖德，豕韦是国。赫赫家邦，龙旂乃饰。鸿勋既昌，迭彼翼商。儒术之冠，于休相汉。济美实繁，斯文亦焕。伟才间出，明德幽赞。大父之业，克光累叶。中台之精，载发家声。副宰司宪，纳言掌衡。典暮垂烈，忠义作程。降生君子，允膺厥祉。德宗四科，言应千里。周旋礼乐，醞藉图史。温良晦朔，揖让终始。储坊礼闕，备职两官。天綍人镜，推贤百工。舟利川巨，门荣栋隆。班迁志郁，张左词雄。石室芸扃，琐闼兰绪。暂属鸾铄，方看鹏举。式慰士伦，允瞻朝序。岁聿云徂，时不我与。历数休祀，衣冠哲人。亨衢始步，穷壤先沦。逝日临子，悲年在辰。虚堂有夜，幽垄无春。顾接畴曩，叨延赏激。余擢纠绳，公居衡石。公拜东省，余参西掖。前后恩遇，暄寒心迹。义叶通家，哀深过隙。抚遗孤之在疚，刊徽范而无斲。

大唐故黃門侍郎

兼修國史贈禮部

尚書上柱國扶陽

縣開國子韋府君

墓誌銘并序

秘書少監兼修國
史兼判刑部侍郎
上柱國朝陽縣開
國子岑義撰
中書舍人鄭悖制

銘

夫天降賢才必偶

昭明之后俗登仁

壽式資恭懿之臣

觀稷契之升朝則

知惟堯之德鑒閔
散之膺輔允叶隆
周之祚其有德冠
前烈道光終古發
揮詞誥潤色於

皇猷模楷彝倫範
圍於士則則我韋
府君見之矣公諱
承慶字延休京兆
杜陵人也自高陽